




湖上

湖 上

周瘦鵑編

王 海

大東書局印行

1929

中華民國十八年六月初版

湖

上（全一冊）

（實價大洋四角）

（外埠酌加郵費匯費）

不 准 翻 印

編輯者 周 瘦 鷗


出版者 大 東 書 局

印刷者 大 東 書 局

發行所 上海四馬路各書局 大東書局

(一之影攝上湖)

渡 待



(二之影攝上湖)

樹 雙




(三之影攝上湖)

求 搜



(四之影攝上湖)

游 優



(五之影攝上湖)


意 雨




(六之影攝上湖)

日 初





(八之影攝上湖) 竹 影



(七之影攝上湖) 樂 魚

湖上

湖上詩痕錄

湖樓春影辭

理安溪夢記

清遊碎記

平湖秋月

湖上探春記

湖上俊遊記

西湖小住記

陳小蝶

陳小蝶

陳小蝶

江紅蕉

周瘦鵑

畢倚虹

鍾劍公

蔣祖堯

西泠春訪記

吳靈園

溪山兩夢詩

陳小蝶

疥餘詩

陳小蝶

西湖詩夢影

陳翠娜

游湖什

胡石子

西泠幽夢錄

蘋 齋

重修西湖南泠亭碑記

陶在東

湖上微波

俞嘯琴

遊泉唐山水七日記

鄧春澍

湖上

湖上詩痕錄

陳小蝶

同行白袷年皆少。碾夢車聲起轆轤。絕似東風吹柳色。一年一度到西湖。

瘦鵲書來。續訂西湖之約。同行者江君紅蕉。涂君筱巢。予久困病中。心繫湖上。去年春次。小疾歸來。至今屈指。又隔東風一度矣。抵杭正在夜子。寓聚英旅館。予自客滬。每歲僅一至西湖。故鄉

翻爲傳舍。思之惘然。

水色天光似舊時。三年塵夢細如絲。頻來總負西泠約。便有雲屏不寫詩。

歲庚申。春三月。漱芬在杭。卽寓於此。自抱鏡臺之聘。遂生意苒之嫌。鈿盒無塵。心香已黯。對此水色天光。有翫月同來之感。舊有句云。鈿盒香銷不可焚。將何言語慰雙文。明珠忍痛親還汝。臣朔家原有細君。

一窗嫩日照人妍。遠處嵐光近處煙。今早出門晴更好。商量先買上湖船。

次日晴。瘦鵲侵曉而起。不暇盥洗。卽欲買船。此時曉色空濛，市

聲不起。行吟湖畔。看倩妝西子。在若遠若近之間。似笑城市中人。
。正復夢塵萬斛。孰有清遊如我數人者。

燒香兒女兩金環。肯買香花禮若般。我亦皈依菩薩久。小遊名勝當朝
山。

南屏淨慈寺。香火極盛。佛號香煙。氤氳繚繞。而士女摩轂接肩。
有不盡爲菩薩來者。菩薩若曰。若善男子。若善女人。是無有相。
亦無無相。無無無相。乃生色相。我佛慈悲。皆大歡喜。

染翠拖藍入杳冥。南屏山色數痕青。嬌憨兒女工祈禱。只許朦朧月老
聽。

白雲庵與淨慈比鄰而居。供月老。人跡杳然。好鳥弄音。幽花自媚

。時有鐘聲度花至。清心妙聞。此身不在人間矣。

久已占鞋欺小玉。豈無清夢到陳思。可憐一樣傷情事。尙有周郎唱我辭。

瘦鵲求籤月老祠。得中吉。曰不思舊姻。求爾新特。予舊嘗問籤得此。遂有明珠忍痛之辭。瘦鵲紫羅蘭齋影事。絕與我類。今又得此籤。豈數果有前定者乎。祠有聯云。此事古難全。仗妙手調停。怨耦結成佳耦。有情終易合。看良緣湊泊。前生早定今生。此聯也。吾取其首尾兩言。用慰瘦鵲。瘦鵲能自慰乎。

不見癡魂化鶴來。高家園子半莓苔。酒懷我已深如許。尙有春愁落酒杯。

午酌田田榭。榭外舊有雙鶴。今不見。問之園丁。則云。往歲雌鶴死。雄鶴病。每哀鳴不食。久之亦死。今塚草宿矣。予欲尋鶴塚不得。酌酒臨湖而奠之。

貼水楊花飛半河。醉人風力軟如酥。酒懷狂眼因春窄。如此春光可奈何。

如約春愁又上眉。看花總怨我來遲。劉莊亭榭無人管。零落小桃花兩枝。

午後泊劉莊。臺榭就荒。金粉半落。歸來癡燕。奈此春色何。遲暮之感。正不獨在王謝堂前。烏衣巷口也。

迢迢漁唱出斜暉。臨水人家對掩扉。一路蜜蜂聲不斷。隔牆開了野薔

薇。

翠箔簾深不上鉤。午眠初起自梳頭。東風偏妬人眉嫵。楊柳一枝青入樓。

過宋莊。書途中所見。

三字冤沈日月酸。九州錯鑄鬼神寒。淒風夜哭精忠柏。宮殿千間盡改觀。

舊時岳廟。宮殿莊穆。弔古之士。每徘徊不能去。今則廟貌重新。舊觀頓改。精忠古柏。且加以西式鐵欄。誰作之俑者。吾王爲其所市矣。某君詩云。若把西湖比西子。於今西子改西裝。今則岳王亦改西裝矣。

遺臭流芳各有因。堂皇告諭出何人。本來鐵已從頭錯。不鑄忠臣鑄佞臣。

岳墳舊有鐵鑄四好像。人過之者。必遺溺投石。詈罵而去。此快意事也。今忽護以木欄。令警察保護。不許溺擲。好惡之於民。竟有不同如是者。誠爲異聞。或謂今之勳貴。多好鑄像。何不卽移此鐵而鑄之。庶能免乎銅臭之譏焉。

病起心情嬾見春。絮花三月已成塵。大堤柳色纖於月。偏有天桃解媚人。

小尾蜻蛉總並行。翻將平視怪劉楨。憐他最是嬌噴處。自取輕紈讀小名。

瘦鵲偕紅蕉筱巢至公園。予泊舟湖濱待之。獨坐微吟，忽逢俊遇。而語隔紅船。雲英已嫁。徒成傷春小杜之吟。豈有解珮凌波之夢哉。詩之云云。正自未能解嘲。

澹雨微雲入暮天。晚峯青斷半城煙。歸舟急槳三千點。多有玉顏人並肩。

白袷翩翩顧影猜。見人雙笑獨徘徊。蜂狂蝶怨渾無主。蕉卷紅心花自開。

坐中江君紅蕉。年最少。顧影翩翩。鏡臺未下。於時日色銜山。暝煙四合。湖上歸船。白篷千點。而畫舫人雙。翠蘋鷗兩。紅蕉倚舷癡視。頗涉遐想。筱巢笑顧予曰。此時想殺文通矣。